



It-pat-kiú-ngó-nî cháp-goéh jī-cháp, Jít-pún kap Tiong-kok chhiam Má-koan Tiâu-iok. Tiong-kok kā Tâi-oân choân tó, kî-thaⁿ sió-tó kap choân tó ê kiàn-siat lóng koah-niū hō Jít-pún. Chhī ê Tâi-lâm chhī-bîn lâi kàu I-lī-sa-pék sian-siⁿ kap Sòng Tiong-kian bók-su tòa ê só-chāi, chhōe in tàu-saⁿ-kāng.

“I-lī-sa-pék sian-siⁿ! Sòng Tiong-kian bók-su! Jít-pún kun-tūi ùi lâm-pak nng-pêng hiòng Tâi-lâm chia lâi--ah. Èng-kai bîn-á-chài thàu-chá tiòh ē kàu Tâi-lâm-siâⁿ mng-kha-tau!” Chhī ê cha-po-lâng ná lòng mng ná hoah.

Sòng Tiong-kian bók-su kóng, “Khah-kín--leh! Lán lâi khi chhōe Pa Khek-lé bók-su.” Sòa--lòh-lâi, kā I-lī-sa-pék kau-tài, “I-lī-sa-pék, chhiáⁿ lí kā siâⁿ--nhih só-ū ê hū-jîn-lâng, gín-á kap sī-tōa-lâng chip-háp chò-hóe. Kā in kóng lán sim-thâu tiòh hōaⁿ-tiāⁿ, jī-chhiáⁿ ài ūi lán ka-kī lâi kî-tó.” Kóng soah, Sòng Tiong-kian bók-su kóaⁿ-kín khí-sin kap chhī-bîn chò-hóe khi Tâi-lâm Sîn-hák-īⁿ chhōe tong-sī ê īⁿ-tiúⁿ Pa Khek-lé bók-su.

Keng-kòe siông-sè thó-lūn, Pa Khek-lé bók-su chhiáⁿ chhī-bîn siá chhī tiuⁿ phoe. Hit tiuⁿ phoe siū-khoân i kap Sòng Tiong-kian bók-su khi hām Jít-pún kun-tūi tâm-phòⁿ. Àm-sī káu tiám, Sòng Tiong-kian bók-su, Pa Khek-lé bók-su kap kúi ê chhī-bîn, lóng-chóng cháp-káu ê lêng. In chhiú kōaⁿ kó-á-teng, koh giáh Eng-kok kok-kí. Ná kiâⁿ ná chhiùⁿ si-koa, hiòng Jít-pún kun-tūi tah-iâⁿ ê só-chāi khi. Lō-bóe, in sêng-kong chín-kiù kui ê Tâi-lâm-siâⁿ.

Tng Sòng Tiong-kian bók-su teh pān-ián hô-pêng sú-chiá ê sī, I-lī-sa-pék sian-siⁿ kap in ê gín-á kòe-siú tī Tâi-lâm-siâⁿ, pōe-phōaⁿ kiaⁿ-hiâⁿ ê chhī-bîn. Tī chhī-tiáp chiok koan-kiàn ê kòe-thêng tiòng-kan, i chò-phōaⁿ, an-tah chhī-bîn ê sim.